

- 3) Sredstva za naknade i rad Komisije obezbjeđuju se u budžetu Općine Ilidža – sredstva za zaštitu i spašavanje.

Član 6.

Stručne, administrativne i druge poslove potrebne za rad Komisije obavljat će Služba civilne zaštite Općine Ilidža.

Član 7.

Stupanjem na snagu ove Odluke prestaje da važi Odluka Općinskog načelnika o obrazovanju Komisije za procjenu šteta od prirodnih i drugih nesreća Općine Ilidža broj 02-44-4804/17 od 23.11.2017. godine.

Član 8.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 14-04-1409/22

23. februara 2022. godine
Ilidža

Općinski načelnik
Nermin Muzur, s. r.

OPĆINA ILIJAŠ Općinsko vijeće

Na osnovu člana 8. i 13. Zakona o principima lokalne samouprave u Federaciji BiH ("Službene novine Federacije BiH", br. 46/08 i 51/09), člana 16. i 17. Zakona o poticaju razvoja male privrede ("Službene novine Kantona Sarajevo", br. 29/15) i člana 55., tačka 2. i 104. Statuta Općine Ilijaš ("Službene novine Kantona Sarajevo", br. 20/09 - Prečišćeni tekst i 46/18), Općinsko vijeće, na 14. sjednici, održanoj dana 24.02.2022. godine, donosi

ODLUKU O PODSTICAJU PREMA POJEDINIM DJELATNOSTIMA FIZIČKIH LICA (OBRTIMA I OBRTU SRODNIH DJELATNOSTIMA) POČETNICIMA U BIZNISU U 2022. GODINI

Član 1.

(Predmet Odluke)

Ovom Odlukom utvrđuje se mjera podsticaja prema početnicima u biznisu na području općine Ilijaš, način finansiranja, korisnici podsticaja, iznos pojedinačnog podsticaja i okvir za provedbu.

Član 2.

(Cilj podsticaja)

Cilj podsticaja iz člana 1. ove Odluke je podrška pojedinim djelatnostima fizičkih lica (obrtima i obrtu srodnim djelatnostima) početnicima u biznisu u 2022. godini, radi samozapošljavanja, odnosno podrške u početnoj fazi obavljanja djelatnosti.

Član 3.

(Finansijski okvir)

Sredstva na ime ove podsticajne mjere osigurat će se Budžetom Općine Ilijaš za 2022. i 2023. godinu, u okviru budžetske pozicije "614511 - Subvencije privatnim preduzećima i poduzetnicima - Sufinansiranje ekonomskih mjera".

Član 4.

(Korisnici podsticaja)

Korisnici podsticaja su djelatnosti fizičkih lica, registrovane kao osnovno zanimanje na području Općine Ilijaš sa prijavljenim početkom rada u periodu 01.01.2022. godine do 31.12.2022. godine u skladu sa Zakonom o obrtu i srodnim djelatnostima ("Službene novine Federacije BiH", br. 75/21), koji ispunjavaju uslov kontinuiranog rada u trajanju od minimalno 3 (tri) mjeseca od dana prijave početka rada (obavljanja djelatnosti), izuzimajući djelatnosti iz oblasti: poljoprivrede i saobraćaja (taksi prijevoz, autoprijevoz, auto škole i sl.).

Korisnici podsticaja ne mogu biti lica koja su u proteklom periodu od 12 (dvanaest) mjeseci izvršila odjavu djelatnosti, koja je bila registrovana na području Općine Ilijaš u skladu sa Zakonom o obrtu i srodnim djelatnostima, izuzimajući djelatnosti iz oblasti: poljoprivrede i saobraćaja (taksi prijevoz, autoprijevoz, auto škole i sl.).

Korisnici podsticaja ne mogu biti lica koja koriste aktivnu podsticajnu mjeru drugog nivoa vlasti po bilo kojem osnovu u momentu prijave na Javni poziv.

U skladu sa Uredbom o uslovima i postupku za dodjelu pomoći male vrijednosti - de minimis pomoć ("Službene novine Federacije BiH", br. 27/18), korisnici podsticaja su dužni priložiti Izjavu o visini korištenih "de minimis" pomoćima i drugim državnim pomoćima u BiH.

Član 5.

(Iznos pojedinačnog podsticaja)

Ukupan iznos podsticaja prema pojedinačnom korisniku podsticaja iz člana 4. ove Odluke iznosi 3.500,00 KM.

Finansiranje u iznosu od 2.000,00 KM će se izvršiti u početnoj fazi biznisa, a preostali iznos finansiranja u iznosu od 1.500,00 KM će se izvršiti po isteku naredna 3 (tri) mjeseca uz uslov kontinuiranog obavljanja djelatnosti.

Član 6.

(Provedbene nadležnosti)

Općinski načelnik će na prijedlog Službe za privredu i finansije u roku od 7 (sedam) dana od dana stupanja na snagu ove Odluke donijeti Pravilnik, kojim se detaljnije propisuju uslovi, kriteriji i način provedbe ove Odluke.

Po donošenju Pravilnika, Općinski načelnik će putem Službe za privredu i finansije pripremiti tekst Javnog poziva prema potencijalnim korisnicima podsticaja iz ove Odluke.

Član 7.

(Završne odredbe)

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-348-6/22

24. februara 2022. godine
Ilijaš

Predsjedavajuća
Općinskog vijeća Ilijaš
Alma Omerović, s. r.

Na osnovu člana 26. stav (1) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18), te člana 23. i 55. Statuta Općine Ilijaš ("Službene novine Kantona Sarajevo", broj 20/09, 46/18), Općinsko vijeće Ilijaš je, na sjednici održanoj dana 24.02.2022. godine, donijelo

ODLUKU O USVAJANJU PLANA PARCELACIJE "APARTMANSKO NASELJE ALAIN" ILIJAŠ

Član 1.

Usvaja se Plan parcelacije "Apartmansko naselje Alain" Ilijaš (u daljem tekstu Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Plana parcelacije "Apartmansko naselje Alain" Ilijaš
- Tekstualni dio Plana

Grafički dio sadrži:

1. Faza-Urbanizam prezentiran na odgovarajućem broju tematskih karata i to:
 - karta 1. - Izvod iz Prostornog plana Kantona Sarajevo
 - karta 2. - Ažurna geodetska podloga
 - karta 3. - Inženjersko - geološka karta